



Broj: 07-1-07-2568-1/12
Sarajevo, 25. 09. 2012. godine

BOSNA I HERCEGOVINA

PARLAMENTARNA SKUPŠTINA
PREDSTAVNIČKI DOM
n/r dr. Milorada Živkovića, predsjedavajućeg

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 28-09-2012			
Organizaciona jedinica	Klasifikaciona oznaka	Redni broj	Broj priloga
01-50-1-15-33/12			
01-50-1-15-31/12			

Veza Vaš akt broj 01/a-50-1-15-33/12 od 12.09.2012. godine

PREDMET: Poslanička pitanja poslanika Milorada Živkovića, informacija, dostavlja se

Poštovani,


Dopisom broj i datum veze, Ministarstvo za ljudska prava i izbjeglice Bosne i Hercegovine je upoznato sa komentarima na dobijene odgovore na poslanička pitanja koje je poslanik Milorad Živković postavio na 31. sjednici Predstavničkog doma Parlamentarne skupštine Bosne i Hercegovine održane 05.07.2012. godine.

Pitanja su glasila:

1. „Zašto nije formirana Centralna evidencija nestalih osoba?
2. Koliko je verifikovano nestalih lica u BiH prema Zakonu o nestalim licima BiH?
3. Zašto nije provedena procedura izbora novog Upravnog odbora?
4. Da li stari Upravni odbor, kojem je istekao mandat, ima zakonsko uporište (ako ima molim, da mi se navede odredba zakona ili akta koji definiše njihov status nakon isteka mandata) da raspisuje Konkurs i bira novi Kolegij direktora?“

S obzirom na činjenicu da se u dijelu dostavljenog neauturizovanog transkripta navodi da podnosilac postavljenih pitanja nije zaprimio odgovor od Ministarstva za ljudska prava i izbjeglice BiH, u prilogu akta Vam dostavljamo kopiju akta odnosno odgovora Ministarstva za ljudska prava i izbjeglice BiH, veza akt br. 07-1-07-2568/12 od 14. 08. 2012. godine, dostavljenog dana 22.08.2012 godine.

S poštovanjem,


MINISTAR
mr. sc. Damir Ljubić

Prilog: Kao u tekstu



AS

Broj: 07-1-07-2568/12
Sarajevo, 14. 08. 2012. godine

BOSNA I HERCEGOVINA

PARLAMENTARNA SKUPŠTINA
PREDSTAVNIČKI DOM

n/r dr. Milorada Živkovića, predsjedavajućeg

22. 8. 12.
Kurtić F.

Veza Vaš akt broj 01/a-50-1-15-31/12 od 09.07.2012. godine

PREDMET: Poslaničko pitanje poslanika Milorada Živkovića, odgovor, dostavlja se

Poštovani,

Dopisom broj i datum veze, Ministarstvo za ljudska prava i izbjeglice Bosne i Hercegovine je upoznato sa poslaničkim pitanjima koje je poslanik Milorad Živković postavio na 31. sjednici Predstavničkog doma Parlamentarne skupštine Bosne i Hercegovine održanoj 05.07.2012. godine.

Pitanja su glasila:

1. „Zašto nije formirana Centralna evidencija nestalih osoba?
2. Koliko je verifikovano nestalih lica u BiH prema Zakonu o nestalim licima BiH?
3. Zašto nije provedena procedura izbora novog Upravnog odbora?
4. Da li stari Upravni odbor, kojem je istekao mandat, ima zakonsko uporište (ako ima molim, da mi se navede odredba zakona ili akta koji definiše njihov status nakon isteka mandata) da raspisuje Konkurs i bira novi Kolegij direktora?“

U vezi sadržaja pitanja pod rednim brojem 1., i 2., Ministarstvo za ljudska prava i izbjeglice BiH je mišljenja da u skladu sa svojim nadležnostima i ovlaštenjima odgovor treba dostaviti Institut za nestale osobe BiH.

3. Zašto nije provedena procedura izbora novog Upravnog odbora?

Zaključkom Vijeća ministara Bosne i Hercegovine, sa 117. sjednice, održane, 25. marta 2010. godine, donesena je Odluka o imenovanju Konkursne komisije za izbor članova Upravnog odbora Instituta za nestale osobe Bosne i Hercegovine.

Ministarstvo za ljudska prava i izbjeglice Bosne i Hercegovine je pripremlilo Prijedlog odluke u skladu sa članom 6. Sporazuma o preuzimanju uloge suosnivača za Institut za nestale osobe Bosne i Hercegovine ("Službeni glasnik BiH", broj: 13/05 - Međunarodni ugovori), predlažući imenovanje Komisije za izbor Upravnog odbora Instituta.

Na Nacrt odluke o imenovanju jednog člana Upravnog odbora dostavljena je saglasnost entitetskih vlada za izbor jednog člana Upravnog odbora, s time što je Vlada Federacije Bosne i Hercegovine i drugi suosnivač ICMP, podržao i zatražio reimenovanje za ostale članove kojime je u međuvremenu istekao mandat.

Vijeće ministara Bosne i Hercegovine je donijelo izmjenjenu Odluku o imenovanju Konkursne komisije za izbor članova Upravnog odbora Instituta za nestale osobe Bosne i Hercegovine.

Ministarstvo za ljudska prava i izbjeglice Bosne i Hercegovine je postupajući po pomenutom zaključku zatražilo saglasnost od strane drugog suosnivača ICMP, kako je to utvrđeno u članu 6. tačka 5. Sporazuma o preuzimanju uloge suosnivača za Institut za nestale osobe Bosne i Hercegovine ("Službeni glasnik Bosne i Hercegovine", broj 13/05 - Međunarodni ugovori).

Drugi suosnivač ICMP nije dostavio svoju saglasnost po osnovu zahtjeva upućenog 16. aprila 2010. godine i urgencije od 22. aprila 2011. godine.

U cilju prevazilaženja problema Ministarstvo za ljudska prava i izbjeglice Bosne i Hercegovine je pripremio Odluku o reimenovanju članova Upravnog odbora i zatražilo mišljenje Ureda za zakonodavstvo Vijeća ministara Bosne i Hercegovine, po osnovu kojeg je Vijeću ministara Bosne i Hercegovine dostavljena dopuna izjašnjenja na Prijedlog Odluke o reimenovanju članova Upravnog odbora Instituta za nestale osobe Bosne i Hercegovine.

Prijedlog odluke o reimenovanju članova Upravnog odbora Instituta za nestale osobe Bosne i Hercegovine je razmotrio Odbor za unutrašnju politiku Vijeća ministara Bosne i Hercegovine, na 75. sjednici, održanoj 12. aprila 2010. godine, i sugerisao ministarstvu da obavi razgovor sa drugim suosnivačam, ICMP i upozna je sa Odlukom o imenovanju Konkursne komisije za izbor članova Upravnog odbora Instituta za nestale osobe Bosne i Hercegovine, koja je donesena na 117. sjednici Vijeća ministara Bosne i Hercegovine.

U skladu sa Zaključkom Odbora za unutrašnju politiku, obavljen je razgovor sa direktoricom ICMP -a ali i pored toga drugi suosnivač nije promijenio svoj prvobitni stav iznesen u pismenom odgovoru od 24. septembra 2009. godine.

Vijeće ministara Bosne i Hercegovine je na 156. sjednici održanoj 28.7.2011. godine, donijelo Zaključak kojim je zadužilo Ministarstvo za ljudska prava i izbjeglice Bosne i Hercegovine, da u skladu sa zakonom pokrene procedure izbora i imenovanja Upravnog i Nadzornog odbora Instituta za nestale osobe Bosne i Hercegovine.

U vezi sa Zaključkom sa 156. sjednice Vijeća ministara Bosne i Hercegovine, Ministarstvo za ljudska prava i izbjeglice Bosne i Hercegovine se u cilju ispunjavanja člana 6. tačka (5) Sporazuma o preuzimanja uloge suosnivača za Institut za nestale osobe Bosne i Hercegovine, (Sl. glasnik BiH – Međunarodni ugovori, broj:13/05), obratilo Ministarstvu pravde Bosne i Hercegovine, Ministarstvu civilnih poslova Bosne i Hercegovine i Međunarodnoj Komisiji za nestale osobe (ICMP) za dostavljanje prijedloga imenovanja tri člana Konkursne komisije za izbor i imenovanje Upravnog i Nadzornog odbora Instituta za nestale osobe Bosne i Hercegovine.

S obzirom da drugi suosnivač Instituta za nestale osobe Bosne i Hercegovine, Međunarodna Komisija za nestale osobe nije dostavila tražena imenovanja Ministarstvu za ljudska prava i izbjeglice Bosne i Hercegovine, a na osnovu zahtjeva upućenog dana 10. 11. 2011. godine, nije mogla da se nastavi daljnja procedura konsultacija sa vladama entiteta i Brčko distrikta Bosne i Hercegovine u cilju imenovanja članova Upravnog i Nadzornog odbora Instituta za nestale osobe Bosne i Hercegovine.

Uzimajući u obzir način izbora upravljačkih, nadzornih i rukovodnih organa u Institutu za nestale osobe Bosne i Hercegovine, dana 04.06.2012 godine, održan je sastanak između predstavnika Ministarstva za ljudska prava i izbjeglice Bosne i Hercegovine i Međunarodne komisije za nestale osobe u cilju prevazilaženja nastalih problema.

S obzirom da su na pomenutom sastanku predstavnici Ministarstva za ljudska prava i izbjeglice Bosne i Hercegovine upoznati sa novim stavovima Međunarodne komisije za nestale osobe u vezi budućeg statusa i funkcionisanja upravljačkih, nadzornih i rukovodnih organa Instituta za nestale osobe Bosne i Hercegovine, zatraženo je pismeno dostavljanje iznesenih stavova kako bi se kompletna informacija dostavila na uvid Vijeću ministara Bosne i Hercegovine od strane Ministarstva za ljudska prava i izbjeglice Bosne i Hercegovine kao nadležnog ministarstva za koordinaciju ovih aktivnosti.

U cilju dostavljanja informacija o statusu upravljačkih, nadzornih i rukovodnih organa Instituta za nestale osobe Bosne i Hercegovine i provođenja procedure raspisivanja konkursa i imenovanja za izbor članova Upravnog odbora i Nadzornoga odbora Instituta za nestale osobe BiH, Vijeću ministara BiH od strane Ministarstva a ljudska prava i izbjeglice Bosne i Hercegovine dana 11.07.2012 godine dostavljen je pregled aktivnosti i prijedlog zaključaka.

Dana 23.07.2012 godine, Ministarstvo za ljudska prava i izbjeglice BiH, od strane ICMP – a zaprimilo je dopis, veza akt br. 225-020/2012 u kojem se, između ostalog, navodi da ICMP smatra da je ovo pravi trenutak da se njihova uloga u funkcioniranju INO-a smanji, te da se osigura da država BiH preuzme punu odgovornost za upravljanje radom INO-a, uključujući i odgovornost za proces imenovanja svih članova Upravnog i Nadzornog odbora.

Vijeće ministara Bosne i Hercegovine, na 14. sjednici održanoj 26.07.2012 godine, je usvojilo Zapisnik 13. sjednice Vijeća ministara Bosne i Hercegovine održane 12.07.2012 godine, uz korekciju tačke 35.3. koja treba glasiti: Vijeće ministara je razmotrilo i usvojilo Informaciju o statusu upravljačkih, nadzornih i rukovodnih organa Instituta za nestale osobe Bosne i Hercegovine, sa predloženim zaključcima.

Na osnovu gore iznesenog i pismeno iznesenih stavova Međunarodne komisije za nestale osobe smatramo da su se stvorile pretpostavke za nastavak procesa imenovanja svih članova Upravnog i Nadzornog odbora Instituta za nestale osobe BiH.

4. Da li stari Upravni odbor, kojem je istekao mandat, ima zakonsko uporište (ako ima molim, da mi se navede odredba zakona ili akta koji definiše njihov status nakon isteka mandata) da raspisuje Konkurs i bira novi Kolegij direktora? "

U skladu sa gore navedenom informacijom o dostavljenim informacijama o statusu upravljačkih, nadzornih i rukovodnih organa Instituta za nestale osobe Bosne i Hercegovine ka Vijeću ministara BiH, informišemo Vas da je Vijeće ministara BiH uz navedenu informaciju usvojilo i predloženi zaključak da dok se ne riješi pitanje zajedničkog pristupa oba suosnivača Instituta za nestale osobe Bosne i Hercegovine da se predlaže obustava postupka za izbor Kolegija direktora koji pokrenut od strane Upravnog Odbora Instituta za nestale osobe Bosne i Hercegovine koji je u tehničkom mandatu.

